

咸豐六年五月得先滂喜園黃氏

書末有黃羨圃跋中論卷首墨書反覆至
四亦有餘而卒不明言其人其所以不可
言也故睿末可解然雖不明言而所不明
言此人嬰亦可想而知矣唯黃主客彼此
不言則亦竟不必言矣五炳日應



蘇東坡詩集卷之六
蘇東坡詩集卷之六
蘇東坡詩集卷之六

國家圖書館 NATIONAL CENTRAL LIBRARY, TAIWAN, R.O.C.



元人樂清朱希晦集二卷詩格二早

雲松巢朱先生詩集序

初余在樂清咨訪故老得瑤川朱先生希晦而
惜其死矣先生當元季有詩名在世夫間而行
檢尤峻潔可重時秉使節下甌越者如僉憲宋
公學士育公皆願見儀範以屬士風入
國朝先生鬚髮皓白動合軌度幅巾短策徐行
林壑望者以為神仙中人郡邑始行鄉飲酒禮
求齒德崇高名實相副足充大賓者而先生居
首選予嘗厠翰林修撰趙君彥銘客席得見梅
詩八首而楮尾先生自署姓名惟謹予去誦



西不能去手因揚推于衆曰古人謂名下無
虛士信然也而每欲見其諸子求先生全集以
觀未能也間嘗道經瑤興瞻先生舊第在叢林
間而菟裘有曰永春菴者輒式為永樂五年秋
予自京師還龍鳴山中而先生之子幽袖出雲
松巢詩集謁予言曰幽先子平生之志發於詠
歌者盡在是編願序以垂諸遠予謂詩自三百
篇以後惟唐為盛唐人以詩名者千餘家而李
杜最著以故後世言詩者率以李杜為大家數
而宗之今觀是集其飄逸放曠者宗於李歛其

典雅雄壯者宗於杜歛先生可謂善於學詩者
矣惜予不得親見先生以談詩家利病而又慶
其有子能守先生之家學也序而載名其上
永樂五年十月晦日迪功郎
伊府紀善天台鮑原弘撰

雲松巢詩集

寓興四首

乾坤一旅亭大夢幾時醒
白髮空情極春來不
再青

山人等別事詩酒作生涯
鬢雪空催老何由駐
日車

山寺鐘聲歇天寒睡起遲
敲冰添硯水發興寫
新詩

塵埃澗洞江梅轉深沉
不作乘桴興徒懷擊

元贈朝列大夫瑤川朱希晦著



國家圖書館 NATIONAL CENTRAL LIBRARY, TAIWAN, R.O.C.

心

江村冬日清景

屋外梅花的皜籬邊
澗水潺湲竟夕詩翁睡着
不知雪滿前山

寒江獨釣

翠壁寒雲淡薄滄江老樹蕭疎
輸與扁舟漁父
一生意釣忘魚

雲山僧舍

樹暝煙生絕壁瀑流雨洒虛潭
他日來尋懶瓊
枯禪還許同參

秋日客懷

百歲光陰石火幾番世事雲萍
試問誰人有藥
能醫白髮重青

梧葉聲中夜雨桂花香外秋風
巢幙鷺客燕

寄書不見征鴻

桑落誰家有酒荷衰客子無衣
斜日江樓北望
涼天鴻雁南歸

西湖

絲絲細雨弄春晴
新水溪頭杜若生
我欲與君
酌酒去
綠陰榭底聽啼鶯

寒蕭臺書懷

有客尋幽蹈紫霞杖藜入竹訪仙家相逢不道
春光老門外溪風落棟花

雲山僧舍

千山萬水一枝筇身在烟霞第幾重最好雁邊
秋色淨倚天空翠出芙蓉

秋日和韻

溪上危峯亂插空雨晴蒼翠尚濛濛不堪卧夜
西風急吹落半庭霜葉紅

次御史端公遊蕭臺韻

烟鎖千峯紫翠層隔溪幽鳥語相應碧桃花謝
玉芝老不見神仙只見僧

寄友

不道愁中生白髮也知客裏對黃花淒涼正是
陶元亮有酒字錢何處賒

戲簡叔向陳先生朋南阮君

名動竹林惟阮籍氣吞湖海有元龍相逢一醉
思茗飲細故不留雲夢胸

秋懷

全在浮雲翳碧空千山秋色入冥濛何當一掃

群陰盡坐看東方片日紅

酬李遠菴

謾笑人生有底忙
讀書堅坐白雲房
孫陽未遇

騏驎老
空厄鹽車上
太行

潮退滄江露石磯
生緣千古一天衣
葛藤芽蘖

依前長影落長空
寒雁歸

和槐堂李先生韻

人生離別將奈何
滄江渺、山峩、山花亂紅

江水碧
水流花謝春愁多

又

江山有待故人來
好向春風酌綠醅
啼鳥聲中

春爛熳
兩香昨夜碧桃開

喜雨

稻田涓水千日晴
水車踏轉如雷鳴
老夫中夜喜不極
睡覺枕前聞雨聲

和趙翰林韻

晚却春衫換酒來
深杯勸客壯懷開
生前萬事不如醉
落日烏啼金粟堆

寄友

西過浮邱鳥篆沙溪山深處野人家門前飛李

都飛盡又見春光到棟花

和謝玉堂歸老趙修撰

佳客乘閒訪隱居旋沽村酒鱸溪魚燈前忽憶

十年事苗宿壺山夜讀書

用趙修撰先生韻

結屋山中遠市蕪雨餘荒徑長蓬蒿平生身外

事他事勸客尊中有酒醪

九衢赫々漲塵埃車馬憧々自往來爭似山人

忘世念枕書高臥竹扉開

寄天則上人

老年衰病藥相扶豈有神仙碧玉壺睡起不知

春雨過半畦佳菊後榛蕪

次回峯西堂韻

孤雲無住亦無依長向空中自在飛情素本來

無一物何須惜別更留衣

次李二丈韻

看花醉眼不須扶花下長歌擊唾壺回首荒城

春較晚淡烟疎雨綠平蕪

春日有懷

春邊花柳競芳春
醉眼看來幾度新
今日曲江風景別
落紅飛絮正愁人

次回峯韻

煖日浮烟翠欲消
四山空寂境蕭條
飽參禪老庭前栢
不問劉郎觀裏桃

淨名寺

纔入清涼境
憑高意豁然
山橫烟簇
洎澹雨
洎、靜坐維摩室
微忝達磨禪
奏名人已遠
遺像閱千年

寄無際老禪

萬事不掛眼
把茅還蓋頭
林深從鹿卧
海濶任鷗浮
圓澤三生契
曹溪一宿留
我牽塵業在
衰白總成他

失雁

畜爾經年久
懸知羽翮長
別來應念侶
秋至忽南翔
遽欲摩雲漢
能無忘稻梁
更防机事密
羅網不虛張

感時

陰霾昏日月
妖氣塞乾坤
戰血流淮水
音塵隔

蓟門浮榮槐蟻集業謗棘蠅誼欲効東陵隱終
身老種園

又

觸目傷時事干戈鬱未開百年馳白日萬里漲
黃埃廢苑猶花柳荒城但草萊登樓作賦罷不
獨仲宣哀

秋日詠懷

老作衡門士長思栗里翁鬢添今日白顏減向
時紅滿地蒺藜雨一天鴻雁風傷心看江水日
夜只流東

又

天地一今古江山幾別離浮雲蒼狗變急景白
駒馳老去猶詩律憂來更酒卮自從絃絕後無
復覓鍾期

感秋

時光隨過鳥身卅寄蜉蝣漠漠江雲晚蕭蕭塞
雨秋杜陵長念嗣王粲獨登樓故國今戎馬南
征尚未休

時事

貧病知交態驅馳愧老身蓟門深雨雪淮海暗

風塵雖有樓舡將能無柱石臣會須安反側早
晚盡麒麟

軒居

何處淨芳襟晴軒俯碧岑鈎簾賒月色隱几快
人心世道有榮辱雲山等古今吾生何大晚側
耳聽虞琴

傷時

嘆息王綱廢由來戰伐頻周墟半禾黍秦籍總
灰塵鳳去雲霄暮鷄鳴風雨晨至今流渭水空
憶釣魚人

春日自况

江邊雨初過正是踏青時載酒興不淺杖藜行
較遲日陰團碧樹風煖韻黃鷗與客恣遊賞醉
來還賦詩

期倪從事不至用韻以寄

天地雙蓬鬢江湖一酒杯不因佳客至爭得好
依開拄賴看山坐登樓待月來黎明還送別歌
罷重徘徊

次韻荅李適菴

泛渚輕鷗竝啼霜旅雁孤池幽心自佚路險意

國家圖書館, NATIONAL CENTRAL LIBRARY, TAIWAN, R.O.C.

何須蘆菹香堪佩茅茨細可誅
榮名安足羨耕釣乃吾徒

答李廣文

不有封侯相安能食肉飛
溪山枕發興魚鳥自忘
机曳杖看雲去褰衣步
月歸驪珠忽在手怪底
吐光輝

次韻答友

天地等逆旅利名俱惱人
蓬萊三萬里莊木八千
春白積巾中雪紅飛陌
上塵人生行樂耳杖履
數相親

次韻答叔向陳君

之子當時傑人中見不多
豫章蟠厚地砥柱障狂
波富貴須行樂棲遲足
嘯歌相逢尊有酒莫惜
飲如何

次韻懷友

江山供遠眺萬景供婁清
烟樹連秋色霜鐘報曉
晴憂時鬢改恣闕寸心
明誰譏杜陵老長吟涕
泗傾

漫興偶成

援上會名者驅馳易白頭
江山長不改歲月急

如流且盡一尊酒共消千古愁可憐金谷廢人
去月當樓

寫懷

試拂青萍釵頻啣白玉杯容顏不再好咲口炎
時開水滿魚兒出泥香燕子來江山千古意臨
眺重徘徊

約友

川岳自今古陰陽相主賓紅塵紛野馬白日少
閒人忽、身將老欣、物自春相知有朋舊簪
盃莫辭頻

簡雪心安上人

意行無遠近得、扣巖扉鼎出金芽細盤堆紫
厥肥看雲忘世慮指月悟禪机錯比陶元亮重
來盡醉歸

簡叔恭蔡先生

舉世紛讒舌鋒芒不可干驅車嗤阮藉學易慕
下寬誠問黃河險何如蜀道難太平無補報只
有寸心丹

春日寄友人

行尋春草徑虫散白雲扉展席面流水抱琴看

翠微終、浮世改落、故人稀尚憶陶徵士紫
車日暮歸

寫懷

急景催人老能令髮有霜清時思後傑拔萃愧
材良鵬鷁自高下鶴鳧終短長山窓讀書罷靜
坐一炉香

春日

春來鋤藥圃客去掩柴扃衰髮不重綠好山依
舊青微名空自絆大夢幾時醒已悟身如寄乾
坤一旅亭

次韻謝蕭臺葉成翁

市上一區足人間萬事非把杯邀月上隱几看
雲歸宇宙身將老山林興不遠幾時來雁蕩長
嘯豁巖扉

上楊指揮將軍

聖主登宸極奎驪爛遠天新開丹鳳詔瑞紀赤
烏年山野搜遺逸朝廷集俊賢老農還喜劇買
犢事春田

次鄭成翁韻

鄭老欣相遇杯酒浮竹葉清江閑秋已半山雨夜

初晴河映疎星淡
窓懸片月明
悠然縱談笑
懷抱為君傾

和李子光韻

門外客初到
坐聞流水聲
看書芸葉亂
醉酒燭花明
夜靜河漢白
秋高霜露清
玄心開一咲
詩思忽然生

能仁方丈

山中松桂老
濃翠鬱紛紛
水壯蛟龍氣
風高鴻雁群
浮嵐晴後見
疎磬夜深聞
却憶龐居士
裊年屏侶氛

劉仲山隱居

舊結茅堂小
幽居遠市諠
山位天馬立
濤急海鯨奔
萬竹翠侵慢
四松青繞門
此中有真趣
終老任乾坤

野外

野外罕人事
隱居逸數楹
簷深春樹色
溪急夜泉聲
展席看雲起
開窓待月明
由來箕穎客
遁世薄浮名

喜子從海上遠歸

檣烏相背發
客子若為留
衣濕浪吹沫
舟行風

打頭魚龍爭出沒鷗鳥自沉浮何幸身無恙歸
來散百憂

歲晏書懷

有生居白屋無計出紅塵日月復九急江山萬
象新梅花疑餞鵬柳眼欲窺春何日尋漁父蒼
江埋釣緜

雁山僧舍中

塵飛不到處中有梵王家翠老婆娑樹香浮簷
蔔花晴峯虧日月石室悶烟霞冬分同禪榻瓢
泉試茗芽

寄瓊上人

別來俱老大綠鬢半成霜醉酒思蓮社題詩寄
升堂風塵抗澗洞江海竟蒼茫我為形役何
年到上方

大龍湫

入眼千峯翠作堆喜尋龍雁窟中來半崖有日
飛晴雪一壑無雲吼怒雷駐錫已知尊者意揮
毫空想謫仙才忘歸亭下忘歸客手弄潺湲坐
碧苔

送玉田著作歸赤城

江海飄，萬里身醉遊。隨處樂天真，地無王氣。
非佳地，人有方瞳。是異人，可恨龍盤遺。建業誰
憐魚腹，葵靈均。明朝杯酒還相別，愁送驪駒。又

夏日書懷

滄江無處不風波，欲埋扁舟可柰伊。白髮生涯
人已老，綠陰時節兩偏多。杯傾鸚鵡同誰醉，釵
拂蛟龍強自歌。蓋世功名非我事，終期結屋卧
雲蘿。

和習之鄭先生韻

愧我才疎，齒齒俊髦也。知文物勝弓刀，松邊展卷
白日靜。柳下繫舟，春水高自昔襟期同。鄭老當
今藻鑑，失山濤。憑誰說與，規風使要活，疲民去
吏黷。良

感懷

自嘆頽然一老翁，十年奔走鬢飛蓬。中原虎鬪
干戈滿，四海人憂杼軸空。葛亮平生恢復計，汾
陽林畧中興功。何當遠望春陵郭，佳氣朝來正
鬱葱。

排悶簡王同善囿上人

流光過眼已侵尋
富貴何須滿塢金
人世自生今日事
朋交不改向時心
管寧老去常烏帽
元亮歸來只索琴
記取歲寒同雅操
長松青映柏森森

秋興

月明何處亂啼烏
坐久徒憐永夜徂
千里關山
隻雪鬢
百年城郭半烟蕪
穆生謝病先辭楚
張翰知机遠憶吳
衰晚不如歸隱好
故山隨處且樵蘇

寄周廷石

門外曾無長者車
一身奔走豈安居
誰憐杜老長為客
我怪洪喬不寄書
烟色春歸楊柳店
雨香紅入杏花初
溪山只尺風塵隔
却憶情人會面疎

有所思

虛聞將帥擁彤戈
勇銳誰如馬伏波
戍處烽烟連夜急
四郊風雨向秋多
最憐絕漠歌黃鵠
却怪長安饜紫駝
俛仰乾坤增感慨
悠悠身在不如何
有感

城東向晚進風涼
思酒無由入醉鄉
人壽不同天地老
客愁應共水雲長
滄江風轉蘆花起
舊圃秋深草蔓長
安得歸來遂幽意
呼童淨掃讀書床

傷時

流年華髮兩相催
眼底烟塵鬱不開
太息有人趨玉食
可憐無地築金臺
城邊向晚黃狐立
海外何年白雉來
萬事何如一醉好
且須洗盞酌春醅

時危

初聞群盜起河北
胡乃流毒江東西
落日空城見烟樹
秋風滿地喧霜輦
人忍貪殘作蛇豕
疇能憤切誅鯨鯢
中興自古須將相
濟時有策安黔黎

悼時

北風獵獵吹沙塵
天陰雨雪愁殺人
江湖萬頃奔蛟蜃
山藪千年藏鳳麟
蘇卿使節未歸漢
商皓採芝先避秦
重華世遠不復見
嗟哉風俗何由淳

自歎

匠石搜林棄樗散不材何敢玷簪裾家貧麤有
千金帚國難曾無一箭書今日總戎師管葛明
時徵士用嚴徐野人不作功名念欲効陶朱共
養魚

愛時

總憐黃鵠久離羣隻影孤飛日暮雲海淮十年
流戰血楚天萬里接妖氛淒涼王粲登樓賦感
慨相如諭蜀文自古英雄亦何限幾人戡亂樹
功勛

和友人韻

誰能餐玉駐顏光西鬢都消鏡裏霜豈有雄文
驅海鯨恨無長矢射天狼十年南國風塵滿千
古東陵草蔓荒興發會應尋范蠡扁舟散髮弄
滄浪

別雲山老禪

風流老禪思不羈悠然邂逅川水湄謾笑支郎
愛神駿素聞玄度能工詩天闕九重守虎豹江
海萬頃生蛟螭棗大如瓜信可食何時徃徃尋
安期

別困上人

鼎食何如飽蕨薇
由来富貴履危机
鶴鳧依舊自長短
鹿馬至今誰是非
每好問奇兼載酒
那堪惜別更留衣
人生聚散知何似
風送秋雲一片飛

簡李二丈

滿地兵塵暗夕烽
可憐憔悴更衰容
故人消息沉雙鯉
白日光輝轉六龍
遠意久拚拈濁酒
發音誰解奏黃鍾
管寧已向遼東去
欲買扁舟恨莫從

與夏彥伯

白首相聞非一日
青春傾蓋動兼旬
艱難總為泛舟役
羈旅乃得連床親
鳳皇叫月蕭臺夜
蛟蜃翻雲玉溜春
此別何時重會面
不堪回首隔風塵

答沙都事

尚憶當年羽葆棠
河流如帶繞山岡
男兒墮地四方志
竹帛垂名千古香
越石枕戈終破虜
蘇卿持節未歸鄉
慨予踈懶成何事
祗合藏身老墨莊

次韻簡猴山侯德詢徵之二徵士

幽尋杖策遠林泉隨處遨遊興洒然曾向山中
招隱士欲來海上侯神仙雲深丹竈長瑤草水
湍石池生碧蓮薄暮凭闌時送目白鷗飛雪點
江烟

次韻簡仲謙倪公叔向陳先生

老夫頭白猶眼青喜瞻北斗照文星陳生飯客
甌忘算倪子業儒鋤帶經矯々龍蛇出大洋翻
、寫鳳摩青冥方令微腎急如渴會見爰帛輝
琳珊

予傷時石古知若將至嘆息成詩呈諸同志

涇水何曾混渭流心忘寵辱自無憂
庾若執揚雄戟且漫間尋范蠡舟不見越裳來白雉徒
聞蜀嶺過金牛由來感慨闕人事回首春風憶
舊遊

送天衢首座還故山

鳳皇山上瞻華蓋師住白雲知幾重海日樓臺
金翡翠天風亭樹玉芙蓉已經大頂騎馴虎更
向靈源覓卧龍昨日遠公曾有約禪餘看雪最
高峯

寄習之鄭先生

人生異路分雲泥，山尊酒綠思同携。雪色上頭
老冉冉，風聲落葉涼。淒淒南陽深處尚龍卧，北
蕩空山惟雁啼。何日相期遊汗漫，手弄白日凌
丹梯。

贈倪仲謙

江海鷗盟幸未寒，曾將尺素問平安。每懷徐孺
空懸榻，却憶逢萌早掛冠。半夜明星連寶釵，九
秋清露溢銅盤。誰能授我長生訣，白日丹成生
羽翰。

次竹隱二弟韻

僑居村僻面江郊，又見蘭階玉樹高。兩袖秋風
停野騎，半篙秋水漾魚舳。別來每憶歌棠隸，老
去猶聞愛絳桃。惆悵對床空有約，幾回風雨夜
蕭騷。

懷古寄友

崑崙峯頂何巍弘，五城樓闕天中開。坐招洪崖
駐羽蓋，笑挹西母傾霞杯。古今人世一大夢，英
雄霸業仍堪哀。哀銅仙淚潛承露掌，野鳥歌上瑯
琊臺。

答璣上人

巖扉晝靜白雲生一枕松濤入夢清
華髮故應知老態淡交還漫見真情
叅玄已悟三乘法汗簡何須萬古名
我住蕩南君北蕩平生懷抱幾時傾

簡彥明趙徵君

羲和鞭日行蒼冥百年世事如雲萍
白憐老去鬢俱改誰道春來愁不醒
野岸風微柳花白江津水煖蒲茅青
鱸雪紅肥社醅熟幾時一到壺山亭

次適菴李先生韻

悠々身世更何如布褐由来勝錦裾
今日岐陽無鳳鳥秋風笠澤有鱸魚
功名虛用傳身後道業還應繼緒餘
更好買田深築室相期黃髮老巖居

春晚感懷寄李廣文

玄髮經年半已班避喧何計入深山
我無大藥能醫老誰有真金肯買閒
三月花開翻惹恨幾時酒醒一開顏
別來若有新詩句好倩郵筒日往還

酬申屠翰林

人中至寶識璫璣，詞氣飄飄邁子虛。
五夜南宮曾賜被，十年東觀飽看書。
宿筵秩秩尊三老，祖帳紛紛餞二疏。
吳越溪山信清美，杖藜隨處勝安車。

和韻簡天則上人

涼風嫋嫋晚秋天，湖落瓊門纜客舩。
九陌黃塵蓬鬢底，一籬香露菊花邊。
故鄉鱖膾亭歸思，近砌蛩聲撓夜眠。
不道分攜成遠別，幾時林下細談禪。

九日

秋晚林臯木葉飛，涼風嫋嫋雁南歸。
自慚席上著烏帽，不見門前來白衣。
甕滿香雲醅酒熟，盤飛紅雪鱖膾肥。
興來隨處堪行樂，何日佩萸登翠微。

呈丹霞老禪

一簑風雨一漁竿，家近梅花涉水灘。
投報已無青玉案，駐顏寧有紫金丹。
龐公老去獨耕峴，李愿從來久隱盤。
自古山林有遺逸，敢將名字動天官。

次韻謝東白葉先生

三徑歸來細菊班
山人性本愛丘山
紫扉半掩紅塵滿
詩句長蛾白日閒
豪氣固應嗤棒澤
幽棲不獨羨齋顏
舊傳却老方應驗
我欲相從問大還

訪雙溪上人不過

雙澗縈迴石徑微
烟嵐分翠濕人衣
松林夜靜鶴初睡
花院日長僧未歸
萬里雲霄飛錫遠
半江風浪渡杯遲
空緣想見空相憶
自嘆心期與願違

述懷寄劉休居士

雲遶青山水遠溪
隱居滋味只羹藜
春風底事生華髮
暮景何須待紫泥
寫罷素書無雁過
喚回清夢有猿啼
長安市上多年少
賜錦絲絲競鬪鷄

營壽壙

在世徒懷身外憂
漢家陵墓已荒丘
烏鳶奪食終難忍
龍虎圖形莫浪求
千載空遺兩翁仲
百年同是一浮漚
何如早約柴桑老
結社得隨惠遠遊

倚韻奉謝原禮先生

枕溪住處溪水深竹樹雲屯青滿林摩詰詩為
有聲畫淵明趣在無弦琴鶴鷺冲霄五彩翻騏
驎伏櫪千里心雄篇贈我細把玩光價豈止獲
南金

次潘北山鄭叔元韻

閒來興趣倍清新自愛青山作主賓天上幾時
停白日世間何處避紅塵鶯花滿目娛佳景鷄
黍同盟憶故人笑我年衰材較拙敢將一曲和
陽春

臘日借葉東白蔡伯恭登西岑

絕頂雲深一徑通寒生短髮怯天風千年物色
闌干外萬井人家圖畫中宿雨亂滋崖樹碧朝
暎深浴海波紅我來欲訪香山社醉酒長嗟憶
遠公

寄天寧方丈

霜樹蕭蕭萬葉丹誰憐倦客尚江干性情每向
詩中寫勲業何須鏡裡看萬里江山秋月老一
天星斗夜光寒近來滿目多荆棘始信人間行
路難

簡士舉陳教諭

憶昨天南獨倚樓，德星炯炯夜悠悠。
曾生名重醇儒列，韓愈才高博士流。
老去囊中無長物，由來皮裡有春秋。
他年禁直皇居近，天祿書多待校讎。

呈浦雲趙修撰

憶昔承恩入禁闈，儒林便覺有光輝。
九重旭日開金殿，五色春雲照錦衣。
庠序人思三老去，都門祖餞二疏歸。
耕幸喜身康健，兩足東臯隴麥肥。

劉休、病起

買得南山為卜居，青松綠竹蔭吾廬。
日長門巷堪羅雀，水滿溪頭好釣魚。
脫粟飽時過禁齋，杖藜行處當安車。
家僮忽報長鬚至，喜接平安一紙書。

寓興

白髮園下喜種園，謾將方法教兒孫。
土膏有力須培本，鑿鐵無情莫刈根。
葵藿不堪省鼎食，韭菘粗足媚盤餐。
吞腥啄腐令何限，誰識芳鮮味獨完。

寄遠菴李先生

九衢轍跡黃塵滿一隙駒陰白日過俗事絆人
清興少山尊留客好懷多懸知李白偏能賦却
羨秦青最善歌自古榮名身外事畊雲只合老
嘷阿

書懷呈同志

今古浮榮不足論一生旅寓任乾坤輪囷謾長
千年木獲落還成五石樽誰復掛冠辭漢闕客
多鼓瑟向齊門野人自信無機事年老何妨且
灌園

用韻簡叔向陳先生

門前車馬祓如蟻草徑幽深肯暫過老去馮唐
饒髮白歸來季子得金多春江水濶魚初上曉
樹烟開鳥欲歌賴有故人相慰藉杖藜數卜到
嘷阿

寄李遠菴陳叔向二先生

中年作惡不勝情無復芳尊酒共傾老我韶華
如逝水多君詩律似長城江東千里暮雲合池
上幾回春草生想見凭闌亦清絕一綠樹有啼鶯

幽居漫興

地絕塵喧境自寬
溪南山色坐中看
竹吹綠霧沾書帙
花發紅雲映藥欄
常養泰和知氣壯
不求微祿得心安
自送一笑忘魚後
年老何曾把釣竿

憎鶴

吾聞返哺鳥至孝
有純德鳥中比
曾參傳誦人皆譏
又聞馴化雉翔集
在咫尺陌上隨行車
飲啄自朝夕嗟爾蜀
望帝愚暗亡其國
遊魂化為鶴
物理固莫測
一身尚羈孤羽毛亦虛
飾生鷓百鳥巢
螻蟻竟飽食
春風口流血
有恨啼不息

侯門沛笙竽
豪客紛彈射
豈不思南歸
奮飛摧短翼
何如雉與鳥
飛鳴隨所適

和國上人愛松吟

衆木與時謝
孤松自寒色
深根遠莫移
老幹益堪惜
溪南有餘地
塵外頗幽寂
手種一萬林
心期二千尺
風雲歛交會
雨露寢生息
他日此盤桓
清陰覆泉石

比述

軒轅初鑄鼎
成乃登仙龍
髯不可攀
白日飛上天
嗟予墮世網
安得窮山川
鼎湖湫何許
張

望 秋風前

又

寶鏡何團、光輝瑩冰雪、疑是造化爐、神工初
鑄出、又疑廣寒宮、飛墮一片月、照人不照心、紅
顏易衰歇

又

彤弓如半月、力挽二石強、戡亂乃見用、察韃寧
久、截應弦、不虛發、狐兔馬、敢當疇、能扶長矢為
我殪天狼

東南有美箭、出自稽山竹、初發號哀猿、再發落

飛鵠憶射聊、城書功成一、何速賢於魯、連子千

古仰高躅

自述

老鶴漫老鶴、籠中稀飲啄、豈奈萬里心、高飛向

寥廓

又

君有堂上燕、差池自獲飛、一朝秋風起、巢空何
處歸

又

驅車出城東禾黍生故宮君看兩駟駝卧此荆
棘中

又

驅車經北邙悲歌淚如水君看塚累累埋沒蓬
蒿裏

所思

鸚鵡本聰慧不與凡鳥同因以巧言語何由脫
樊籠

又

百舌漫百舌間關弄春晴讒臣在君側巧語誰

為聽

又

門前好楊柳春風搖綠絲花飛亂白雪青春能
幾時

雜詠

戶樞動不朽源水流不涸修身保天倪味道得
真樂

又

北叟塞上馬秦人宮中鹿語默知是非得失見
禍福

又
嗟彼橫江鯨一朝着釣餌何如五德龜曳尾泥塗裡

上陳員外

荆山鬱嵒嵒屹立高摩空光輝韞奇璞瑞氣成
白虹草木借餘潤飛雨青濛濛懸知有至寶追
琢煩良工連城未易酬美價璠璵同行將獻天
子持入光明宮
和謝一源上人
道人來處江移席秋夜深天高明月出清輝浴

波心道人來雁蕩懸錫青松峯瀑布落晴雪烟
霏生夕陰謝公去已遠遺跡誰能尋詎那宴坐
處千古閑禪林蓮宮淨突兀布地皆黃金何時
一洗耳試聽穎師琴平生履屐兩亦有山水滢
懸知群鳥中有此孤鳳音行當謝世事與子同
浮沉

和簡叔向陳先生仲謙倪公

我家雁蕩南嘯傲雪松下平生伯牙絃不恨知
音寡晚交倪與陳荏苒歲寒夏騏驥日千里鼓
車豈合駕緬思昌黎公低頭拜東野文潤三峡

流毫端恣揮洒奮飛既胡越有恢不可寫新詩
來啓予滄海珠盈把于時月露清竹葉灑金竿
遺音鞞鈞韶古意薄風雅逢瞻德星聚炯光
照夜漢廷方渴賢平步登金馬譬如礪砢材匠
石豈云捨寧為汲黯慙空効齊王假披肝見精
誠結舌類啞啞古來英雄人起自耕隱者

次本之侯先生韻

憶昔抱長劔去作南東遊緱山高刺天翠遠巖
書樓修竹淨三徑往來惟羊裘蒼龍未變化紫
鳳曾樓不上攬明月輝下酌滄江流酒酣發長

嘯萬籟生清秋別來難再晤素此人事稠每懷
招隱處桂老山更幽隱士不可招援桂柳淹留
賦詩且自樂斗祿烏足謀

納涼

冬事解衣坐超然心境空深林翳炎日萬壑來
天風間停白羽扇試拂朱絲桐醉罷不知夕月
生滄海東

自述

槿花不終朝幽蘭有餘香朝遊詩書圃夕憇翰
墨場飽食待秋實過眼捐春芳疇能事躬役奔

走白日忙男兒生墜地壯志在四方胡為守一
室鬱鬱徒悲傷何由寫胸臆酣酒竭壘觴高飛
羨黃鵠矯翻凌雲蒼

除夕

麒麟在靈囿瑞世為禎祥五蹄而一角形類非
犬羊西狩不得時折足遭鉏耒宣尼室悲嘆涕
淚沾襟裳

嘆世

乾坤一開闢日月常往來朱顏不再好白髮專
相催曠視藐萬古榮名安在哉遁世有餘樂何

必求蓬萊

答東白葉徵士

至寶惟人材所寶非全璧編懷古聖賢頽仰流
汗赤龍媒日千里遠道如所適一鳴萬馬瘖見
之皆辟易伯樂雖相知不辨驪黃色斯人去我
久千載猶旦夕偉哉東白翁平生數親炙南望
吹簫臺矯首空嘆息何時一相見斗酒澆胸臆
醉酒且勿言中心期飽德

寫懷

人生有定分胡為亂天常尺土乃培塿散樗非

棟梁觀魚慕莊子御馬思王良丈夫肯知己鬱
徒自傷

又
野老何愚庸團形徒大塊林居玩清景悠然與
心會佳菊沒榛叢幽蘭伍蕭艾歲晚冰霰交見
之增感慨

又
巢居不厭客况乃佳客至擷蔬薦浊醪談經得
真趣歸雲度遙岑斜日在高樹對飲須盡歡何
時漫相遇人生能幾何行樂貴適意不見萍與

蓬飄、無定處搔首仍踟躕臨風發長喟

雜詠
威鳳備五彩羽毛一何奇歛乘長風起誤落天
南垂朝食瑯玕實暮栖瓊樹枝行當凌八極斥
鷃焉敢窺

自况擬古
風波在平地世路歲瞿塘懷弘賢哲人千載能
留芳懸知蕭艾多不比猗蘭香老翁聊自笑髮
短心甚長
又

羲和鞭六龍，白日不我待。
讀書竟無成，坐惜朱顏改。
長安詩闕鷄，豪華豈長在。
何由得成仙，高飛向蓬海。

又

人生天地間，倏若塵棲草。
恨無大藥，肯容顏。豈長好白璧，終銷毀青松。
亦枯槁，飲酒且放懷，毋為嘆衰老。

又

隱士居丘園，衡門守荒寂。
啜菽甘有餘，飲水清矣極。
嗾彼夸毗兒，浮榮定何益。
捧澤今已空，春

風蔓茨棘

自述

吾聞漢中郎，琴斲焦桐尾。
鉅以朱絲繩，遺音中宮徵。
上絃操白雪，下絃彈綠水。
世矣賞音人，誰能一傾耳。

又

狂世等浮雲，交態何絲。龍媒行萬里，恥與駕駘群。
自從周道廢，雅頌不復陳。
願言繼先哲，千載垂清芬。

又

群書日夜讀，皆陳編。何如窮物理，朗悟心中天。坐來萬想滅，靈府何豁然。所思在良友，使我長悵悵。

山居自况

嗟予任疎懶，落髮眉明時。玄髮備已改，素心終不移。焚香讀周易，觴酒調朱絲。所樂在冲澹，浮名良可嗤。

盡疾

我今老將至，輔車邀病魔。一語不出口，終朝卧林阿。退之念脫落，幻興能嘯歌。蔬食滋味少，嚙

漱津液多。眼明幸讀書，流年任蹉跎。

答汪謙之先生

江城滿樓臺，月夜吹笙簫。神仙集華蓋，鳧來丹霄中。有羽衣客，舉手欣相招。扶桑朝出日，溟海秋翻濤。一身藐八極，御氣時遨遊。悠然視天宇，萬古同沉寥。却思卧玄圃，天鷄奏嘒嘒。餐餐餐金光，草涓飲玉卮。醪何當乘清風，躡鯉隨琴高。

自述寄友

十月天，兩霜木葉半凋。巨海增波瀾，羣峯獻

蒼翠身居一窩中意出萬象外喜聞古人言頗
勝俗客對設席羅酒漿未飲已心醉曜靈急西
馳盛年豈能再送子緣出門天風舞蘭佩

義鵲行

林深結暝色蒼翠搖烟霏維時春夏交衆鳥巢
高枝於中有雙鵲卯育常及時春鉏亦有託旦
夕欣相依雄飛遠求食雌來哺其兒啾啾聒人
耳坐殿腥風吹羣雛半黃口翅短爭習飛問茲
遭彈射滋味焉足奇弱者強之食感慨徒傷悲
海鴈何從來鷺猛一何酷騫騰漫盤旋意欲餵

飢腹老拳不空施利觜貪食肉鶴兮善護巢飛
鳴急驅逐鷹兮雖善揚鱗鯨豈知足鳥鵲賴生
全脫禍免荼毒扶弱在抑強足以厲風俗豈不
見兄弟怒鬪墻夫妻讎反目恤憐當救災敦姻
須睦族禽鳥尚急義人情何及履吾言歲規履
行宜自勗

卧雲卷為陳去題

吾聞神仙人中有希夷子冥搜華山顛高卧白
雲裏

和友人韻

孤桐生高岡，幽蘭出深谷。雨露含碧滋，烟霞媚
遊。獨佩惟楚容，紉琴待良工。斲嗟彼春風，前紛
艷花木。

和彥達葉先生韻

姬周得天下，亂臣縲十輩。王綱一解紐，政教何
茫昧。宣尼抱麟泣，此意誰能會。漢來六籍灰，文
風委蒿艾。窮兵尚專征，豈識包桑計。故國悲黍
離，日落寒雲翳。吾聞昔盛時，棠蔭生堯砌。

冬雨嘆

癸卯冬十月海陬氣候偏，風南忽風北，寒燠非

常年溫袍御，還脫長策揮。不捐胡為黃，落時花
弁紛。爭妍虫鳴應，蟄戶虹見飲。長川蘊旬苦，霧
密暝與廕。雲連深泥污，后土行潦凌。高原農夫
輟耒耜，勞嘆心惛惛。二麥不得種，饑坑詎能填。
格鬪况未息，中原擁戈鋌。天家重租稅，瘡痍誰
能憐。安得倚天劍，一掃開青天。金鳥任騰翥，出
自扶桑顛。陽光照六合，比屋俱歡然。

月夜放歌

海雲卷尽明月來，天光鏡碧無纖埃。嘯歌於此
興不淺，美人對坐飛瓊杯。碧桃花香夜初靜，露

澹衣裳怯清冷安得兩翼飛上天為渠拂拭山
河影乾坤一照越光明執中殺却妖蜮精上訴
天公契人意免教期望生虧盈玄霜搗成誰可
食好向仙娥問消息服之到老無渴飢羸得請
書眼常碧

有感

君不見千里馬有時困羈勒不遇九方歎龍文
更誰譏又不見五彩鳳有時鍛羽翮不如鷲與
鷄聚集自爭食人生遭軼軻俛仰今猶昔賢有
不黔笑聖有不煖席聖賢尚栖、我獨何惻、

但恐白日沉年光竟虛擲乾坤等蘧廬壽命非
金石顧餐不死藥蓬瀛香難覓乘化渡奚疑委
心任所適故國遺銅駝秋風暗荆棘霸國有興
衰人事多他息矯首望歸雲鴻飛盡天碧

贈國恕先生客中識面始見如故

先生卜築依林藪編蓬為門甕為牖心造義皇
太古前道傳鄒魯千年後隱遁寧非鷗冠流龍
鐘已是龐眉叟子真谷口自耕巖中散山陽空
鍛柳平生視世一浮埃富貴於身漫何有床上
長堆玄晏書尊中漚泛紫桑酒興發揮毫黑電

飛絮、驅珠驚落手詩成不啻萬人傳吟罷如
聞百靈走五嶽之中恭華尊下視羣山俱培塿
我因流寓偶相逢譏面便似知心友藹然和氣
即陽春徒爾芳妍映衰朽劇談不了清夜徂光
動文星逼南斗人生會合良有時歎息歡娛豈
能久起來擊劔為君歌、長劔作蛟龍吼明朝
別去遙相思渭北江東幾回首

客邸中秋對月

去年中秋、月圓浩歌對酒清、眠烟霏滅盡
人境寂、仰看明月懸中天、今年客裏中秋月靜

挹金波更清絕、可憐有月客無酒不照歡娛照
離別夜闌浙、西風涼月中老桂吹天香悠然
長嘯動歸興坐久零露沾衣裳浮世悲歡何足
數庾樓赤髻俱塵土風流已往明月來山色江
聲自今古

雪夜放歌

羲和、鞭六龍白日西飛歲時歇舊年已去
新年來苦厭兵塵尚騷屑嗟予流寓客未歸年
老思家心欲折江雲黯慘北風來一夜雨花吹
作雪夜長、有夢還家夢破衾稜冷如鐵起看

宇宙絕纖埃，彷彿三山白。銀闕群陰漸，滅陽氣
回柳眼舒。春草芽出君不見，漢袁安僵卧，閉門
膚欲裂。一朝富貴來逼人，經道論道稱才傑。又
不見唐杜甫，飢走荒山，泪成血。致君有術，徒自
憐布褐，許身伴稷契。我今齒落百不堪，况乃踈
頑臨事拙。願銷兵甲事春農，四海清平萬民悅。

秋夜長

秋夜長不成寐，床前月光白如紙。歌窈窕懷清
冷，夜中怪底荒鷄鳴。倒裳起舞感慨作乾坤，
處字干戈空山孤鶴更清唳。愛懷欲寫范參際。

坐看黃葉墮我前，零露漙漙下庭砌。明星爛
銀漢橫，銅壺澹刻漏。長事殊興極，聽轉悄夜
如何。其渠未央秋夜長，如此年來誰識征夫
苦。忍拋兒女戍邊城，婦事姑嫜應門戶。嗟爾羣
棲鳥，繞樹徒驚飛。豈知孤鳳皇，集彼朝陽枝。可
以舞蕭韶，銜瑞圖。一四海，混八區。鳳兮鳳兮，今覽
德輝。鳳兮鳳兮，覽德輝。

寄雲山寺僧人草堂

白雲深幕，青山鬱嵒。道人無住着，柰此青
山何。山中草堂花映戶，禪味由来最清苦。嗟余

寥落徒相思身絆塵緣仍遠阻李鄴侯懶瓚公
平生道氣長塞胸法中老將人中雄曾翻硯水
作玄兩號令神物驅蛟龍竭來談咲九天坐
使六合生華風蒼生戩俱在甄陶中公今顧
我如有意會飛杖錫凌蒼空

答元易陳先生

人生自古多離別尺書遠寄何由徹短世光陰
過隙駒坐覺朱顏易象歇君看喬嶽千尺松挺
立蒼然傲霜雪風來徧徧蒼龍吟六月清寒換
炎熱槿花雖榮不足論朝開暮落香已絕只今

尚憶江湖遊扣舷一歌寬我愛腰間老劍欲飛
動紫氣鬱鬱橫清秋虛名役人浪自苦黃塵兩
鬢風颭，千古乾坤寄逆旅百年生死同浮漚
君不見鴟夷子切成去養魚千頭

藤杖贈西原道人

山人贈角藤一枝怪形偃蹇如蛟螭平生丘壑
我所愛魑魅驚走安敢窺梓童當年贈桃竹書
閣照夜然青藜吁嗟古人迹已遠能忘此物相
扶持趙州八千始行脚芒鞋健步雙龐眉登山
涉水覽幽勝意倦未必忘歸期舊傳化龍不復

見能解虎闌安足奇吾師履行極平坦世人方
寸生九疑雲山住處本禪寂猿鳥為伴真相知
大千由來在脚底要探理窟窮玄机鼓枻還漫
角東去出門一笑孤雲飛

簡子文林訓導

東風蕩盡辛夷花遙憶美人天一涯美人久別
音信杳想見只今雙鬢華山房幽深市囂遠白
日枕書眠碧霞崔高瀑布洒晴雪淨洗石鼎烹
春茶平生青紫不掛眼榮名絆人安足誇當年
我來訪遺跡杖柱看雲着雙履玉蕭吹斷鳳

不來但見千峯倚天碧臺前日夜溪水瀉金星
光動溪中石脫身擬欲恣幽棲坐佔瓊臺煉金
液衰年誤墮塵網中齒豁頭童竟何益

和戴文準

材重倚桐價璧瑜山川清氣孕魁奇談經奪席
輸年少獨步當今更有誰君如局但轅下駒平
生志氣壯萬夫虞卿窮愁書始著孟軻好辨言
非迂今人雖生古人後古人豈與今人殊要吞
五車在胸次取之無盡用有餘聖賢道脈傳不
減名懸萬代日月俱致君唐虞比稷契豈但可

詠六尺孤文風遠揚起顏俗才行傑出稱醇儒
我今見君一傾蓋情同魚水交歡娛丈夫重義
輕富貴厚顏濫祿非吾徒却笑楊郎老執戟一
官不徙誰吹噓多君韞匱同美玉不待善價安
肯沽何妨教兒壓新酒長歌且鱸松江鱸

借韻商叔向陳先生
干戈尋滿地愁殺杜陵人雲蔽青霄日風揚碧
海塵積骸腥血滿飛檄羽毛新倦坐凭烏几長
吟岸白綸擁塵思宿將伏闕憶忠臣何日梟群
虜餘波澤四民朝廷安及側草莽足容身會見

祠郊廟歌詩荐白麟

次韻自述寄連隱君

林下棲遲好一窩天地春流年催白髮隨分守
清貧伯樂能知馬帝鉏不譏麟素琴常掛壁黃
卷久堆塵交友慕徐穉從人嘲子雲世情多及
覆道味獨醇真田野深禾黍溪流半藻蘋白雲
間伴鶴明月靜窺人醜酒能忘醉論文會有因
相期遊汗漫垂釣漢江津

答李子光

群鷄涸野鶴意氣獨昂，誰料紅塵裏能逢白

玉郎獲鳧俱北翥一雁獨南翔久別何須嘆相
思豈易量声名過沈鮑製作擬班揚笑我人材
拙何殊襪線長流年悲白髮却老慕仙方僅得
清而瘦終期壽且昌籬邊栽細菊徑底植修篁
抱甕田畦外操觚澗水傍蹉跎千里志愁絕九
迴腸公子多文翰天葩壓衆芳朝廷崇禮樂歌
頌美成康堂衣萊衣舞塔前蕙草香瑤琴彈綠
綺雅調合清亭指日羅英俊承恩步玉堂
和包原彬韻
旅食京華日鶯啼上苑苑春魯連唯仗羨范叔

不辭貧純域來龍馬清時出鳳林麟襟懷開霽
月談咲接清塵滄海三珠樹青霄五色雲酒傾
香味別詩寫性情真吳地追遊好龍山入夢頻
烟花如媚客風雨似留人男子生何幸朋友素
有因遙知理歸楫隨處覓通津
次適菴李先生韻
價高由少室望重自元紘奕世遺簪笏清時譏
鑿衡文章尊賈董智勇賤黜彭珪璧舍餘潤壻
策協正聲嶽分嵩峻極源出渭流清宿館憐菓
幕侯門恥饜鯖平生敦夙好俊逸藹芳聲律已

外常正填心道義精鷄懸衣可結毫健筆能耕
詩壘時堅壁詞場夜斫營別來常慕蘭何日遂
班荆紫氣寧臨顧函閤枉淚洎風姿勞我夢月
旦與誰評栢屬凌霜操葵傾向日誠朝廷嚴戰
伐川澤困漁征群豎兇猶活諸公憤不平雷歎
因滿履貂弛在排檠漕待木牛運功須汗馬成
輪雲知友態金石見交情烟瘴連淮海風塵隔
蜀城行當洗兵甲且漫酌盃錯擊壤歡農父傳
書走价伴山林聊自逸猿鳥不須驚鳳闕瞻佳
士鷄窻憶舊盟蓬蒿樓仲蔚松菊媚淵明琴調

朝飛雉笙歌午轉鶯乾坤萬里在寒暑四時更
愁髮長千丈吟髭白數莖窮屋仍野處坎止任
流行相去如胡越思君太瘦生

雲松先生詩集後序

雲松先生諫七世祖也。以詩鳴于元季，與四明
吳主一、簫臺趙彥銘先生遊。詠雁山中，時稱為
雁山三老先生之詩，清麗簡亮，不事纖巧，感慨
詠嘆而有餘思。元人多尚辭，而意或不足，是以
興趣漠然而音節字句，先生以不求仕進，故得
專心肆力，所謂清麗簡亮者，錫乎。可以振唐
人之遺習，而下視元季之萎弱者矣。先生為人
尚貧樂隱，遭亂避地，所至多與文士交，名山勝
竟遊覽殆遍。自梅溪西轉永嘉之柯村，羈旅數




三至 國朝四方底定然後歸時已老矣有司
嘗以姓名著荐剡不及領 朝命而卒平生不
事生業田止數十畝僅供飪粥臨終令悉入祠
堂以奉祭祀雖有五子而分寸無所預以所作
雲松巢詩集一冊端硯一方古本文選一帙付
諸子曰汝可守此毋忘吾素志詩各體凡數千
首不能盡刻錄噫子孫若諫者愚駮不肖安能
盡探先生之所蘊而去取哉姑舉其易知而易
習者以訓吾宗之子孫而已耳然多清麗簡亮
而有格力自可以入大方家而名於後世矣諫

不肖不敢以愚駮辭謹輯成集復序於末云
嘉靖七年秋九月朔旦七世孫諫謹序



庚申四月之望晨未起閣人報有客至急披衣盥漱而
出迎之則秋塘張君在座也張同善識書畫者通以及
古籍問所自來以為有書一本特持示君探懷而出
之蓋一舊山衣漢者視其款識似為也是為家書開卷
讀之為雪松巢詩集元贈朝列大夫瑤川朱希晦
著者前有鮑序後有嘉靖時七世孫陳序詩集自
五言六言七言絕句以及五言七言律五言七言古體
終以五言長律似完善者其為是本無疑張君曰子
亦識卷首墨書一以及卷中圖書二字為誰人跡亦余
曰墨書似道之白未之敢信君因書之語古二字疑一



字皆為其門之音則余所藏夥矣張曰里書則雖出于
錢而小通之其體日趨於小視祝之書自識余曰然
張曰書既元人集而為舊本一集得各以筆而流幾番
藏弄不可為讀未見書香中添一佳句即余亦以為可
珍遂出而全之兩易之因思是書卷數載諸讀書每求
記者為確而所見不分卷之大小殘零何與錢本不食且
四庫全書總目以為三卷正統中元孫元謙刊板三章版為
之序浙江東集遺書總錄以為十卷今智本有天台範宏
原章取撰序所以同異均表不知其原本究竟何如也
俟與福藏書家博訪之

黃石齋識



國家圖書館, NATIONAL CENTRAL LIBRARY, TAIWAN, R.O.C.